

## Հ Ա Շ Վ Ե Տ Վ ՈՒ Թ Յ ՈՒ Ն

### 2022 թվականի օգոստոսի 29-ից սեպտեմբերի 3-ը Ինդոնեզիայի Հանրապետություն գործուղման արդյունքների մասին

#### 1. Անունը, ազգանունը՝

Ռուստամ Բադասյան

Արման Պողոսյան

Հարություն Ազգալոյան

#### 2. Զբաղեցրած պաշտոնը՝

ՀՀ պետական եկամուտների կոմիտեի նախագահ

ՀՀ ֆինանսների նախարարի տեղակալ

ՀՀ պետական եկամուտների կոմիտեի միջազգային համագործակցության վարչության պետ

#### 3. Գործուղման վայրը և ժամկետները՝

Ինդոնեզիայի Հանրապետություն (Բալի), օգոստոսի 29-ից սեպտեմբերի 3-ը

#### 4. Հրավիրող կողմը՝

Տնտեսական համագործակցության և զարգացման կազմակերպության Հարկման նպատակով թափանցիկության և տեղեկատվության փոխանակման գլոբալ ֆորումի քարտուղարություն

#### 5. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը)՝

2022 թվականի սեպտեմբերի 1-ից 2-ը Բալիում կայացել է Տնտեսական համագործակցության և զարգացման կազմակերպության Հարկման նպատակով թափանցիկության և տեղեկատվության փոխանակման գլոբալ ֆորումի «Ասիայի նախաձեռնության» անդամների երկրորդ բարձրաստիճան հանդիպումը: «Ասիայի նախաձեռնությունը» մեկնարկել է անցած տարվա նոյեմբերին, Հայաստանը

ստորագրել է «Ասիայի նախաձեռնության» հոչակագիրը ս.թ. օգոստոսին: «Ասիայի նախաձեռնությունը» կենտրոնացած է հարմարեցված լուծումներ սահմանելու վրա՝ ապահովելու համար հարկման թափանցիկության ՏՀԶԿ ստանդարտների ներդրումը ամբողջ Ասիայի տարածաշրջանում:

Հանդիպմանը մասնակցել են «Ասիայի նախաձեռնության» հոչակագիրը ստորագրած ենթադասությունների ֆինանսների և հարկային ոլորտների բարձրաստիճան ղեկավարներ: Հայաստանի իրավասու ներկայացուցիչների մասնակցությունը Նախաձեռնությանը և Նախաձեռնության անդամների հանդիպմանը կարևոր է ՀՀ կառավարության 18.11.2021թ. թիվ 1902-Լ որոշման հավելված 1-ով հաստատված «Հայաստանի Հանրապետության կառավարության 2021-2026 թվականների գործունեության միջոցառումների ծրագրի» 6-րդ կետում սահմանված միջոցառումների (6.1, 6.2, 6.3) և ՀՀ կառավարության 12.12.2019 թ. թիվ 1830-Լ որոշման հավելված 1-ով հաստատված «Հայաստանի Հանրապետության պետական եկամուտների կոմիտեի զարգացման և վարչարարության բարելավման ռազմավարության» 2.2.3, 2.2.5, 2.2.10 գործողությունների իրագործման, ինչպես նաև ՀՀ և ՏՀԶԿ գլոբալ ֆորումի միջև ձևավորված սերտ համագործակցության ամրապնդման առումներով: Քանի որ Նախաձեռնությունը նոր է և դրա համագործակցության ձևաչափն ու գործունեության բնույթը որոշվում էին հանդիպման ընթացքում, հատկապես կարևոր էր ՀՀ իրավասու ներկայացուցիչների մասնակցությունը նշյալ հանդիպմանը:

## **6. Քննարկված թեմաները՝**

Տնտեսական համագործակցության և զարգացման կազմակերպության Հարկման նպատակով թափանցիկության և տեղեկատվության փոխանակման գլոբալ ֆորումի «Ասիայի նախաձեռնության» երկրորդ բարձր մակարդակի հանդիպումը անցել է «Աջակցություն վերականգնմանը հարկային թափանցիկության բարձրացման միջոցով» խորագրի ներքո: Հանդիպման ընթացքում մասնակիցները քննարկել են Նախաձեռնության իրականացվելիք աշխատանքների ոլորտները, Նախաձեռնության անդամակցության ընդլայնման հարցերը, հարկման

թափանցիկության ՏՀԶԿ ստանդարտների ներդրման ընթացքը և հիմնախնդիրները: Փոխանակվել է մասնակիցների փորձը ֆինանսական հաշիվների վերաբերյալ տեղեկատվության ավտոմատ փոխանակումն արդյունավետ դարձնելու, արտասահմանյան ֆինանսական հաշիվների կամավոր բացահայտման սխեմաների և իրական շահառուների հաշվառման համակարգեր ստեղծելու և մի շարք այլ խնդիրների վերաբերյալ:

### **7. Հանդիպումները, ելույթները, բարձրացված կամ քննարկված հարցերը՝**

Հանդիպման ընթացքում մասնակիցների առջև ելույթ է ունեցել ՀՀ ՊԵԿ նախագահ Ռ. Բադալյանը՝ Հայաստանի Հանրապետությունում իրական շահառուների հաշվառման համար օրենսդրական բազայի ձևավորման փորձին նվիրված շնորհանդեսով: Հարավային Կորեայի, Ճապոնիայի, Հնդկաստանի պատվիրակությունների հետ առանձին հանդիպումների ժամանակ քննարկվել են երկկողմ համագործակցության և հնարավոր տեխնիկական աջակցության հիմնահարցեր:

### **8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը՝**

Հանդիպման ընթացքում մասնակիցները համաձայնեցրել և ընդունել են «Ասիական նախաձեռնության» աշխատանքային ծրագիրը, որը ներառում է երկու խումբ գործողություններ. հիմնարար գործողություններ՝ բոլոր անդամների համար, և լրացուցիչ գործողություններ, որոնց մասնակցում են շահագրգիռ անդամներն ըստ ցանկության:

Հանդիպման արդյունքներով որոշվել է 2023թ.-ին Նախաձեռնության շրջանակներում կազմակերպել մի շարք մասնագիտացված միջազգային ուսումնական միջոցառումներ: Նաև որոշվել են մի շարք կազմակերպչական բնույթի հարցեր, այդ թվում՝ Նախաձեռնության անդամների հաջորդ տարվա հանդիպման ժամկետներն ու վայրը:

**9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները՝**

Հանդիպմանը մասնակից երկրների հարկային մարմինների ղեկավարների հետ ձեռք են բերվել պայմանավորվածություններ՝ երկկողմ համագործակցության և տեխնիկական աջակցության ծրագրեր իրականացնելու վերաբերյալ:

**10. Ստորագրությունը, ամսաթիվը**

**06.09.2022թ.**